

Ахборот хавфсизлиги масаласига бағишиланган илмий-эксперт форуми



6 сентябрь куни Тошкент шаҳрида Шанхай ҳамкорлик ташкилотининг ахборот хавфсизлиги бўйича илмий-эксперт форуми бўлиб ўтди.

Тадбир Ўзбекистон Республикаси Президенти ҳузуридаги Стратегик ва минтақаларaro тадқиқотлар институти томонидан Ўзбекистон Республикаси Ахборот технологиялари ва коммуникацияларни ривожлантириш вазирлиги ҳамда ШХТ Минтақавий аксилтеррор тузилмаси Ижроия қўмитаси билан ҳамкорликда ўтказилди.

Гибрид форматда ташкил этилган йиғилишда ШХТга аъзо давлатларнинг тегишли вазирлик, идоралари, илмий-академик ва таҳлилий доиралари вакилларидан иборат 30 нафардан зиёд етакчи эксперталар иштирок этди.

Анжуман кун тартибидан рақамлаштириш соҳасидаги сўнгги тенденция ва ютуқларни муҳокама қилиш, шунингдек, ШХТ маконида инсон ҳуқуқи ва унинг устуворлигини таъминлаш шароитида ахборот ва кибер хавфсизлик ортидан юзага келаётган таҳдидларга қарши курашиб бўйича илғор миллий тажрибани тақдим этиш масалалари ўрин олди.

Форумнинг очилиш қисмида Ўзбекистон Республикаси Президенти ҳузуридаги Стратегик ва минтақаларaro тадқиқотлар институти директори Элдор Арипов ШХТ давлатлари ахборот соҳасидаги замонавий чақириқ ва таҳдидларга қарши курашнинг мувофиқлаштирилган механизмини ишлаб чиқиши кераклигини таъкидлади.

- Мазкур тадбир ахборот соҳасидаги таҳдидларга ҳар томонлама қарши туришнинг қатъий ёндашуви, механизми ва воситаларини излашга қаратилган, - деди Э.Арипов. - Ахборот-коммуникация технологиялари моддий-техник базасини мустаҳкамлайди, ижтимоий-иктисодий ривожланишини рағбатлантиради. Энг муҳими, одамларга янги билим ва кўникумалар беради.

Дарҳақиқат, бугун ташкилот ахборот хавфсизлиги соҳасида илғор тажрибага эга. Бунга аъзо давлатларнинг ахборот хавфсизлиги масалалари бўйича амалий ҳамкорликка йўналтирилган

муҳим ташаббуслари ёрдам беряпти.

Ахборот хавфсизлиги масаласига бағишиланган илмий-эксперт форуми 6 сентябрь куни Тошкент шаҳрида Шанхай ҳамкорлик ташкилотининг ахборот хавфсизлиги бўйича илмий-эксперт форуми бўлиб ўтди.

Иштирокчилар шу йил июнда пойтахтимизда бўлиб ўтган гурӯҳнинг сўнгги йиғилишида, айниқса, ҳамкорликни фаоллаштириш, ташкилотга аъзо мамлакатларнинг технологик ва кадрлар салоҳиятини мустаҳкамлаш каби ташаббуслар кўтарилиганини эслади.

- Бугунги кунда кибержиноятчилик ҳалқаро ҳуқуқнинг энг ёш ва жадал ривожланаётган фаолияти экани маълум. Шу боис бу борадаги ҳамкорликни чуқурлаштириш давлатлараро талаб қилинадиган энг муҳим йўналишлардан бири, - дея фикр билдириди ШҲТ МАТТ Ижроия қўмитаси директори Руслан Мирзаев.

Мавжуд таҳдидларга қарши туриш учун нафақат фаол ҳамкорлик, балки хавфсизликни таъминлашга хизмат қиласиган ҳалқаро ҳуқуқий базани ривожлантиришга алоҳида эътибор қаратиш кераклиги алоҳида таъкидланди.

Қисқа қилиб айтганда, мулоқот мазмуни ахборот хавфсизлиги – шахс, жамият ва давлат ҳаётини таъминлашнинг ажралмас қисми, деган яқдил жумла билан эътироф этилди. Қолаверса, бутун дунёда рақамли технологияларни жорий этиш ва онлайн фаоллик жараёнининг барқарор ривожланиши кузатилаётган бир пайтда мазкур форумнинг ташкил этилиши муҳим аҳамият касб этади.

Форумнинг иккинчи қисмида “Ахборотдан фойдаланиш кўламини кенгайтириш – замонавий жамиятни ривожлантиришнинг муҳим омили”, “Ахборий-фоявий хатарлар ва бундай таҳдидларга қарши самарали жавоб чораларини ишлаб чиқиш”, “АКТ жадал ривожланиши шароитида нозик ахборот инфратизими обьектларини ҳимоя қилиш” мавзуларига бағишиланган сессия йиғилишлари бўлиб ўтди.

Ахборот тизимини кибер хавфдан ҳимоя қилиш масаласи долзарблигича қолаётгани тўғрисида сўз борар экан, мутахассислар энергетика, саноат, мудофаа соҳалари ва давлат сектори энг кўп хужумга учраётган тармоқлар сифатида кўрсатилди.

Шу сабабли мазкур тадбир минтақавий ҳамкорликни мустаҳкамлаш ва ШҲТга аъзо давлатларнинг ахборот ва кибер макондаги хатарларга қарши курашиш учун самарали платформа бўлади, деган умиддамиз.

Манба